

隆慶海州志

天一閣藏明代方志選刊

# 海州志

一九六二年十二月上海古

籍書店據寧波天一閣藏明

隆慶刻本景印原書版框高

二〇·〇公分寬一四·〇公分

海州志序

海州古郟子國孔子問官于郟子因而觀海膠  
廓沆瀣有鴻濛之槩至今境內號孔望山屹然  
一州之巨鎮云又漢班孟堅氏叙郡國以是州  
在東海爲魯之東境北接齊之瑯琊夫變齊魯  
而之道孔子顧有意於茲地哉今去聖人千有  
餘年而移風易俗使天下回心而嚮道賈生痛  
其非俗吏之所能爲也乃俗吏之所務在于刀

海州志

序

三

章按刻

筆筐篋今之從政者滋甚矣卽欲訪遺事問長  
老有無從稱說者豈小史掌列國之書如周官  
者後世廢而不設耶官無論矣若書在列郡何  
可廢也余守淮朞月欲修郡志檄二州九邑各  
采其事始知其無志間有之歲久脫誤不可讀  
私心慨焉海州鄭刺史得惠安張先生所譔若  
千篇張左官于海書甫成以遷去而光祿裴先  
生近在里居校而正之余遊光祿公久知爲篤

論君子也是書于風俗之間大書特書而其所  
論述皆生齒息耗吏治淑慝與夫幽貞之士孤  
嫠之懿篇翰之垂沉于山谷間巷者一一可見  
且贍而不穢質而不俚張公信博物必有志于  
移易者宜其言文而傳遠也不然職事填委而  
簿書期會之間不報且以爲大故胡暇爲此耶  
夫皇皇求財利常恐乏匱者庶人之意也皇皇  
求仁義常恐不能化民者大夫之意也後之觀

者得其意而與民宜之俾永耕織之業有鄒魯  
之風而不失聖人過化之地斯可矣語曰乞火  
不若取燧寄汲不若鑿井教民不若正身亦存  
乎其人耳刺史文雅好修將登梓而請余敘其  
端嗟乎卽孔子走海濱而問官也豈非有志于  
三代之英傷文獻之缺顧皇皇以求之乎茲刻  
成則州之文獻足徵矣因附一語以告來哲  
明隆慶壬申秋日中順大夫淮安府知府前進

士評大理寺事沔陽陳文燭譔

海州志

序

三

世

海州志序

海州志

目錄

卷之一

輿圖

歷代沿革

歷代郡名

分野

形勝

城池

疆域

圖里

街市

集鎮

舖舍

卷之二

山川

海州志

目錄

一八九

諸山

諸水

津梁

土產

風俗

卷之三

戶賦

戶口

田糧

起運

存留

驛傳

坐派

加派

土貢

課程

鹽課

商稅

馬政

屯田

卷之四

治典

治署

屬署

武署

寓署

壇廟

歷代官制

武職

郡守佐

卷之五

教典

學校

建官

科貢

卷之六

名宦

卷之七

人物

武勲

孝義

隱逸

人物外傳

女德

卷之八

襍志

流寓

神醫

仙釋

勇士

恠異

災異

襍祠

丘墓

古跡


寺觀

卷之九





社稷圖




海州志

圖

三


草樓



文廟圖


海州志

山川圖



圖

四




海州志圖終

海州志

圖

五

城隍廟圖



海州志卷之一



前海州同知惠安張峯 纂修

光祿寺卿贛榆裴天祐 校正

輿圖志

周禮體國經野皆因山川風氣所宜而爲之疆  
畛上應天文下因地理中參古今人物之變分  
畫都圖審據形勢而州郡之制定焉然時代屢  
更名稱亦異世道之升降可知也故志輿圖

歷代沿革

海州本春秋郟子國地秦始置朐山縣嘗立石於

海州志

卷之一

長洲顧樞寫  
章校刻

朐山刻曰秦東門屬薛郡後分爲郟郡漢改屬  
東海郡武帝置刺史時隸徐州東漢屬東海國  
三國時屬魏爲郟縣晉復爲東海郡轄郟朐山  
祝其襄賁利成贛榆厚丘蘭陵昌慮合鄉戚承  
十有二縣武帝太康初分隸徐州劉宋於此僑  
立青冀二州梁改東海郡爲北海郡東魏改青  
冀二州爲海州北齊徙海州治瑯邪隋徙治朐  
山後改爲東海郡唐改爲海寧州天寶初復爲  
東海郡屬淮南道領朐山東海沐陽懷仁四縣  
宋屬淮東道後爲團練淮南東路仍置西海州

建炎初陷於金紹興十年韓世忠遣王勝收復  
十一年張浚夷其城遷其民於鎮江隆興初魏  
勝下海州金攻不克湯思退割以還金隸山東  
東路嘉定中制臣賈倣遣李全收復後又陞東  
海郡縣爲軍寶祐中賈似道城東海元初屬江  
北淮東道至元中陞爲海寧路尋改海寧府後  
復爲州沐陽朐山贛榆三縣隸淮安路  
本朝仍爲海州以朐山縣省入獨領贛榆隸淮安府

歷代郡名

春秋郟子國地 秦郟郡

海州志 卷之一

二

海

漢東海郡 東漢晉隋唐俱同

漢分置朐山縣 海曲縣

戚縣 魏郟縣

梁北海郡 魏海州 唐同

宋西海州 元海寧路

海寧府 海寧州

舊東安縣 東海縣

廣饒縣 龍苴縣

曲陽縣俱省入

張氏論曰海州沿革本末如此春秋爲郟子國

秦置郟郡胸山今山名不易也以東漢郡國志考之厚丘在沐陽襄賁在安東祝其卽夾谷在贛榆皆東海郡屬也而郡治卽今州治無疑矣昔孔子問官於郟子嘗登山望海世傳其山爲孔望山夾谷之會孔子相焉聖人過化存神之所又安可不表之以誌此邦之名勝哉

仲尼問官於郟子

昭公十七年秋郟子來朝公與之宴昭子問焉曰少皞氏鳥名官何也郟子曰吾祖也我知之昔者黃帝氏以雲紀故爲雲師而雲名炎帝氏以

火紀故爲火師而火名共工氏以水紀故爲水師而水名太皞氏以龍紀故爲龍師而龍名我高祖少皞摯之立也鳳鳥適至故紀於鳥爲鳥師而鳥名鳳鳥氏歷正也玄鳥氏司分者也伯趙氏司至者也青鳥氏司啓者也丹鳥氏司閉者也祝鳩氏司徒也睢鳩氏司馬也鳴鳩氏司空也爽鳩氏司寇也鶡鳩氏司事也五鳩鳩民者也五雉爲五工正利器用正度量夷民者也九扈爲九農正扈民無滯者也自顓頊以來不能紀遠乃紀於近爲民師而命以民事則不能

故也仲尼聞之往見於郊子而學之既而告人曰吾聞之天子失官學在四夷尤信

### 孔子相禮于夾谷

定公十年夏公會齊侯于祝其實夾谷孔丘相犁彌言于齊侯曰孔丘知禮而無勇若使萊人以兵劫魯侯必得志焉齊侯從之孔丘以公退曰士兵之兩軍合好而裔夷之俘以兵亂之非齊君所以命諸侯也裔不謀夏夷不亂華俘不干盟兵不偪好于神爲不祥于德爲愆義于人爲失禮君必不然齊侯聞之遽避之將盟齊人加

于載書曰齊師出境而不以甲車三百乘從我者有如此盟孔丘使茲無還揖對曰而不反我汶陽之田吾以共命者亦如之齊侯將饗公孔丘謂梁丘據曰齊魯之故吾子何不聞焉事既成矣而又饗之是勤執事也且犧象不出門嘉樂不野合饗而既具是棄禮也若其不具用秕稗也用秕稗君辱棄禮名惡子盍圖之夫饗所以昭德也不昭不如其已也乃不果饗齊人來歸鄆謹龜陰之田

### 分野

按周禮及漢天文志奎婁胃徐州地理志以奎婁爲魯之分野魯固徐域也東至東海文獻通考註東海入奎一度又按禹貢淮海惟揚州又云海岱及淮惟徐州則郡之分野跨徐揚二州之間州雖郡屬而分野當依漢志云

張氏論曰分野之說起於保章氏然封域分星固有不相值者如奎婁在西而魯迺在東也至於精祲相盪感應若神則天人之際又甚嚴焉今之州境雖不足以當分星然驗妖祥以察時變亦不可少也故備志之以俟夫司牧者之一

擇焉

形勝

東濱海道西接徐邳北控齊魯南蔽江淮滄海渺瀰茫無際匯高麗百濟日本諸國直其東風帆之便不測可至高嶼絕島環列後先東西二城官軍兩所足以控制備守始皇立石爲秦東門卽此

張氏論曰舊志敘形勝如此西南北通齊魯淮徐平原漫衍無關隘可守東浸大海高麗日本諸國隱映滄波間可登高而望也世治則山海